



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Capvt XVII. Altera Nestorii epistola ad Caelestinum papam.

urn:nbn:de:hbz:466:1-15062

ANNO in Christo fraternitatem, ego & qui mecum sunt, salu-
CHRISTI 431. tamus.

CAPVT XVII.

*Altera Nestorii epistola ad Cælestinum
papam.*

SÆPE scripsi beatitudini tuæ propter Iulianum, O-
rontium, & ceteros, qui sibi vsurpant episcopalem
dignitatem, & creberrimam aditionem apud piissimum
& prædicatissimum imperatorem faciunt, nosque con-
cidunt frequentibus lamentationibus; tamquam tem-
poribus orthodoxis de occidente proiecti. At hucusque
scripta de his a tua veneratione non suscipimus: quæ si ha-
berem, possem eis respondere, daremque compendiosum
responsum luctibus eorum. nunc enim ab incertis dictis
eorum non habet quis ad quod se conuertat, aliis hæreti-
cos eos vocantibus, & ideo de occidentalibus partibus
proiectos esse dicentibus; ipsis vero iurantibus calum-
niam se sustinuisse, & periculum pro orthodoxa fide ex
subreptione perpeffos. Quorum vtrum certum sit, nobis
grauis est ignorantia. Nam condolere eis, si vere hæretici
sunt, crimen est: & iterum non condolere, si calumniam
sustinent, durum & impium est. Dignetur igitur amanti-
sima Dei anima tua informare nos, qui ad vtrumque mo-
mentum hucusq; diuidimur, id est, & ad odium, & ad mi-
serationem eorum. Doceri autem volumus quã de his sen-
tentiam teneamus. * defecimus enim eosdem viros per dies
singulos dissimulâtes spe & expectatione beatitudinis tuæ.
Non est enim, o venerandissime, sicut nosti, res vilis, discuf-
sio piæ sectæ; nec parua est probatio eorum, qui hoc agunt.
Multus enim etiam nobis labor hic celebratur, dum elabo-
ramus eruere sordidissimam impietatem pessimæ opinio-
nis Apollinaris & Arii de ecclesia Dei. Nescio enim quem-
admodum quidam de ecclesiasticis quamdam contempe-
rationis imaginem deitate & humanitate vnigeniti accipi-
entes, ægrotant ægritudine prædictorum hæreticorum,
dum & corporis passiones audent superfundere deitati
vnigeniti, & immutabilitatem deitatis ad naturam cor-
poris transisse confingunt, & vtramque naturam, quæ

* f. deti-
nemus

per coniunctionem summam & inconfusam in vna persona vnigeniti adoratur, contemperationis mutabilitate confundunt. Cæci, qui nec sanctorum illorum patrum expositionem meminerunt, aperte ad eos reclamantes: Credimus in vnum Dominum Iesum Christum filium Dei, incarnatum ex Spiritu sancto & Maria virgine. Hæc enim vox in nomine, quod significat vtramque naturam, id est, Christus est deitati patris homouosios; humanitas vero posterioribus temporibus nata est ex sancta virgine, quæ propter coniunctionem deitatis ab angelis & hominibus simul colitur. Eum ergo qui hic propter sectarum prauitatem tot laboribus fatigatur, considero quid iterum pati necesse est, si negotium prædictorum virorum nesciat, timeatque nimis, ne additamentum hæreticorum per ignorantiam hic positus faciat. Vnde rogo, vt vndique studiosum sit sanctæ animæ tuæ donare notitiam prædictorum virorum, maxime cum literarum sequester fidelissimus Valerius cubicularius possit beatitudini tuæ per se exponere molestias eorum. Omnem in Christo fraternitatem quæ tecum est, ego & qui mecum sunt, plurimum salutamus.

Cum autem accepisset archiepiscopus Romæ Cælestinus quaterniones expositionum ab ipso Nestorio per Antiochum, easque comperisset blasphemias esse refertas, ac certior præterea factus ab archiepiscopo Cyrillo, Nestorium nulla consilia monitave accepisse, vt recta sentiret, non contraria; ipse ad eum Cælestinus scripsit excommunicationis epistolam, decimamque diem ei præfiniuit. hæc autem epistola est: Aliquantis diebus, &c.

Δεξάμενον δὲ ὁ ἀρχιεπίσκοπος τῆς Ρώμης Κελεστίνος τετραδάς ὄντων γήσεων ἀπὸ τοῦ Νεστορίου δι' Ἀντιόχειου, ἃ ἄνευ αὐτῶν πεπληρωμένας βλασφημιῶν ἐπὶ τῆς ἰσομνησίας καὶ ἀπὸ τοῦ ἀρχιεπισκόπου Κυρίλλου, ὡς μὴ κατὰ δεξιόμηνον τοῦ αὐτοῦ Νεστορίου τὰ τῆς συμβουλῆς ἢ παρανέσεως εἰς τὸ πᾶν φρονεῖν, καὶ μηδὲν ταῦτα, ἐγράψεν αὐτῷ καὶ αὐτὸς Κελεστίνῳ ἀκοινωνητὸν ἐπιστολῶν, ὀρίσας καὶ δέκα ἡμερῶν ἀφοσιμαίαν, ἥτις ἐστὶν αὐτῇ ἐπιστολῇ. ΕΦ' ἡμέρας ἑπτά τῆς ζωῆς ἡμῶν, καὶ τὰ λοιπὰ.